

Lena, phagena o khoru. Na merla. O rom avela peske sasto. Ey, pashlili pala, ohkinela:

– Oh! Oh!

– So si, romniye?

– A be tu, chhi podigriinesa tu mantsa! Tu hohavesa man, ba!

– Ey! Mi romnyake gogi! Li te phukav tuke, so ka keres? He kutka ko livadi isi ekh bikos. Ka inklyol kova bikos – phenla – a leste isi ekh balichho. Ando balichho isi ekh shoshoy. Ando shoshoy isi ekh gwlabos. Ando gwlabos isi duy shisheta. Lilyan – phela – kiya duy shisheta! Phaglyan li len! Merava!

Andivin ushtino. „Br-r-r!“ Gelo upre. Gelo o chhavo.

– So phela, mammo?

– O-o-o! Mo chho, so razpravinela mange!

– So si, mammo?

– Ho kutka ko meraz ulo deekh bikos. Ando bikos ulo deekh balichho. Ando balichho ulo shoshoy. Ando shoshoy – ekh gwlabos. Astardyan li o gwlabos, ka les leski sila.

– Ha! Akana – phenla – phukavdyas!

Ov, o zmeyos gelo. O chhavo gelo, izvikindyas o bikos. Asharde, asharde, asharde. O bikos vazdela les, shibninela les zhi katka. Ov vazdela les, shibninela les zhi ko kocha. Ay, ratyola. Dzhala pash pe dayate utka. Kerla les ekh suv, thovela les pe kaneste, balende. Avela peske o zmeyos.

– Oh! Oh! Oh!

– So si tuke ykya, be?

– A chhe, mahnine, chhe! Me kokala dukhana man! Peske chak treskate chhityas man!

– E, tu pala! Dzhasa upre, marsa tut e zmeentsa. Akana te kokala dukhana tut!

Nataseto o zmeyos ushtela. Dzhala upre, pala asharela, asharela, asharela. Ratyola. O raklo pala avela peske. Kerla les o day ekh suv. Avela li o zmeyos. Phenla:

– Akana po-but dukhala man mi snaga!

– A be, resel akana li tu! Ti snaga dukhala tu! Marsa tut upre..., kersa tut!

– A chhe, ach chha, romniye! But si mange khaneles!

Tasya andivin ushtela. Dzhala upre i pala astarela. Dzhala li o raklo. Asharela, asharela. Lela o bikos, shibninela les zhi ko kocha. Ova lela o bikos, shibninela les, lela o bozdugani. „Pa-h-h-h!“ Mudarla o bikos. Bup o shoshoy, o balichho. Te phenav dela ekh nashiba. Pat o buzdukanesa,